

II.

- 337^a (D) o deme vater gekündet wart R. 331, 40. H. 127, 1.
 sines sūnes zū vart
 mit vroūden er daz kint enphiene.
 vz engegem nu er giene,
 er helste vnde kūste en, 5
 er dwanch en zū den brūsten,
 sin vroūde waz groz ane nit.
 da wart ein michel hohzit.
 zū samene sa die richen
- 337^b saszen sūnderlichen. 10
 wer mochte vol bringen,
 mit wie gūden dingen
 sinem vater josaphat
 beide riet vnde bat
 daz er sich wolde keren 15
 nach des heiligen geistes lere,
 von des schūlden weren
 von armen uischeren,
 daz daz were ergangen
 von ungelerten mannen, 20
 die wūrden wiser denne die
 die wiser waren denne sie,
 von des selben geistes lere.
 Josaphat der here
 sinen vater wider zoch 25
 daz er den irretūm da floch.
 er sprach mit wiser ahte
 vnd tet oūch waz er mochte.
 daz half allez kleine,
 biz got der reine 30
 dūrch josaphates gebet
 sines vater hertze uf tet.

4. lies engegem im. 5. l. kusten. 17. l. were. 28. l. mahte.